

Na osnovu člana 32. Zakona o javnim nabavkama Bosne i Hercegovine («Službeni glasnik BiH», br. 39/14), a nakon provedenog otvorenog postupka putem obavještenja o nabavci broj 1364-1-1-28-3-21/18 od 28.06.2018. godine i Odluke o izboru najpovoljnijeg ponuđača broj: 01-14-4-4780/18 od 06.09.2018. godine za „Nabavku štampanog materijala“ (LOT 1 – Listovni obrasci, LOT 2 – Perforisani blokovi, Lot 3 – Knjige u tvrdom povezu) zaključen je:

OKVIRNI SPORAZUM

između:

Štamparija Fojnica d.d.
Sjedište ponuđača: Fojnica,
Koga zastupa direktor Mujčić Mirsad,
ID broj: 4236045660000
(u daljnjem tekstu: Prodavac/Ponuđač),

i
Ministarstvo unutrašnjih poslova Kantona Sarajevo
Sjedište: Sarajevo
koje zastupa ministar Vedran Mulabdić
Identifikacijski broj: 4200220350006
(u daljnjem tekstu: Kupac / Naručilac)

Član 1.

Ovim Okvirnim sporazumom ugovorne strane se sporazumjevaju da će Prodavac tokom ugovornog perioda, po ukazanoj potrebi, a na osnovu zahtjeva Kupca za istog obezbjediti isporuku štampanog materijala: LOT 1 – Listovni obrasci, LOT 2 – Perforisani blokovi i Lot 3 – Knjige u tvrdom povezu, a prema Ponudi Prodavca br. 194/18 od 23.07.2018. godine koja čini sastavni dio ovog Sporazuma.

Ugovorni organ se ne obavezuje na nabavku utvrđenih okvirnih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava, ali ne može prijeći utvrđene okvirne količine ili vrijednost okvirnog sporazuma.

Sastavni dio ovog Okvirnog sporazuma su:

- obrazac za dostavljanje ponude
- obrazac za cijenu ponude

Član 2.

Okvirni sporazum zaključuje se za period od dvije godine, odnosno do iskorištenja maksimalne finansijske vrijednosti.

Vrijednost okvirnog sporazuma nakon provedene e-aukcije je: 11.000,00 KM bez PDV-a za Lot 1, 12.760,00 KM bez PDV-a Lot 2 i 17.800,00 KM bez PDV-a Lot 3.

Cijene su fiksne i ne mogu se mijenjati za vrijeme važenja ovog Okvirnog sporazuma.

Član 3.

Nakon zaključivanja Okvirnog sporazuma, zaključit će se pojedinačni ugovor o javnim nabavkama. Pri zaključivanju pojedinačnog ugovora ne mogu se mijenjati bitni uslovi ovog Okvirnog sporazuma.

Prodavac je dužan ugovorenu robu isporučivati prema uslovima iz tenderske dokumentacije i prihvaćene Ponude u roku od 1 (jedan) dana od dana prijema narudžbenice.

Član 4.

Ugovorni organ će ugovorenu cijenu plaćati u roku od 60 dana po dostavljanju fakture.

Član 5.

Na sva ostala prava i obaveze koja nisu regulisana ovim Sporazumom, primjenjivaće se odredbe Zakona o obligacionim odnosima.

Nakon zaključenja Sporazuma, njegove odredbe ne mogu se mijenjati.

Član 6.

Ukoliko poslije zaključenja ovog Okvirnog sporazuma nastupe okolnosti više sile koje dovedu do ometanja ili onemogućavanja izvršenja obaveza definisanih okvirnim sporazumom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koje su se dogodile bez volje i uticaja strana u okvirnom sporazumu i koji nisu mogli biti sprječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Član 7.

Eventualne sporove Ugovorne strane će nastojati riješiti sporazumno, u duhu dobrih poslovnih odnosa i uzajamnog povjerenja, a u slučaju da sporazum ne bude postignut ugovara se nadležnost Općinskog suda u Sarajevu.


Član 8.

Sporazum stupa na snagu sa danom obostranog potpisivanja ovlaštenih predstavnika ugovornih strana.

Član 9.


Sporazum je sačinjen u 4 istovjetna primjerka, od kojih svaka od ugovornih strana zadržava po 2 primjerka

Prodavac:
ŠTAMPARIJA FOJNICA d.d.
Fojnica


direktor, Mirsad Mujčić
Broj: 56/18
Sarajevo, 24.10.2018. god



Kupac:
MINISTARSTVO UNUTRAŠNJIH POSLOVA
KANTON SARAJEVO


ministar, Vedran Mulabdić

Broj: 01-14-4-7441
Sarajevo,
22-10-2018